

TARI TF 5
TOFFAN
TRIODAN 20
TURBOFIX

UNOSAL
UV. ABSORBER 318

VERDÜNNER UPL 2246

ZEOLITH — T — pasta (50% í
laxerolíu)
ZEOLITH — T — pulver
ZIRGEL — K

2. gr.

Framangreind niðurfelling er því skilyrði háð, að innflytjandi stundi iðnrekstur og lýsi því yfir á aðflutningsskýrslu við tollafgreiðslu hverju sinni, að varan verði eingöngu notuð sem hráefni eða hjálparefni í iðnaðarvörur.

3. gr.

Auglýsing þessi er sett samkvæmt 17. tl. 3. gr. laga nr. 6/1974 um tollskrá o.fl. til að öðlast gildi þegar í stað. Jafnframt er úr gildi numin auglýsing nr. 349 7. nóv. 1974 ásamt auglýsingu nr. 301 10. júlí 1975 um viðbót við hana.

Fjármálaráðuneytið, 8. janúar 1976.

F. h. r.

Þorsteinn Ólafsson.

Björn Hafsteinsson.

REGLUGERÐ

um breyting á reglugerð nr. 7 22. janúar 1964, um iðgjöld til slysatrygginga skv. 40. gr. laga nr. 40 1963, um almannatryggingar, sbr. reglugerð nr. 60 1969.

1. gr.

2. gr. orðist svo:

Vikugjöld í hverjum áhættuflokki skulu vera sem hér segir:

Áhættuflokkur	Iðgjöld kr. á viku
1.	28
2.	46
3.	91
4.	91
5.	109
6.	175
7.	253
8.	360
9.	486
10.	581

2. gr.

Í 3. málsg. 4. gr. komi: 7 200 krónur í stað „5 700 krónur.“

3. gr.

3. gr. orðist svo:

Fyrir ökumenn bifreiða skal vikugjald vera kr. 46.00 (2. áhættuflokkur).
Fyrir áhafnir flugvéla skal vikugjald vera kr. 360.00 (8. áhættuflokkur).

4. gr.

9. gr. orðist svo:

Fyrir áhafnir skipa skal vikugjald vera sem hér segir:

Áhafnir róðrabáta og vélbáta undir 12 lestum kr. 360.00 (8. áhættuflokkur).

Þó skal iðgjald af trillubátum aldrei vera lægra en kr. 6 000.00.

Áhafnir flutningaskipa 100 lesta eða stærri kr. 486.00 (9. áhættuflokkur).

Áhafnir flutningaskipa undir 100 lestum en ekki undir 12 lestum kr. 581.00 (10. áhættuflokkur).

Áhafnir fiskiskipa 12 lesta eða stærri kr. 581.00 (10. áhættuflokkur).

5. gr.

10. gr. orðist svo:

Áhættugjald vegna slökkviliðsmanna, sem ekki eru fastráðnir, skal vera kr. 60.00 fyrir hverja kvaðningu, hvort sem er við æfingu eða slökkvistarf.

6. gr.

11. gr. orðist svo:

Föst ársiðgjöld skulu vera sem hér segir:

Vegna heimilisdráttarvélar	kr. 1 500
Vegna rafstöðvar	— 750
Vegna súgþurrkunartækis	— 750
Vegna heyblásara (saxblásara, heybyssu)	— 750
Vegna bifhjóls	— 2 400
Vegna reiðhjóls með hjálparvél	— 2 400

Reglugerð þessi er sett samkvæmt heimild í 36. gr. laga nr. 67 1971 um almannatryggingar, til að gilda frá 1. janúar 1976. Jafnframt er úr gildi felld reglugerð nr. 391, 23. desember 1974, um breytingu á reglugerð nr. 7 22. janúar 1964 um iðgjald til slysatrygginga samkvæmt 40. gr. laga nr. 40 um almannatryggingar, sbr. reglugerð nr. 60 1969.

Heilbrigðis- og tryggingamálaráðuneytið, 9. janúar 1976.

Matthías Bjarnason.

Páll Sigurðsson.

9. janúar 1976.

Nr. 7.

REGLUGERÐ

um prófun búvéla.

1. gr.

Bútæknideild Rannsóknastofnunar landbúnaðarins annast prófun búvéla og verkfæra í þeim tilgangi, að reyna hæfni og notagildi þeirra við íslenskar aðstæður. Tilhögun á prófun getur verið þrennskonar.

- Prófun einstakra búvéla að beiðni framleiðanda eða umboðsmanns hans.
- Telji Bútæknideild ástæðu til, getur hún haft frumkvæði um prófun einstakra búvéla. Skal þá framleiðanda eða umboðsmanni hans tilkynnt um prófunina.
- Samanburðartilraunir á vélum og verkfærum af hliðstæðri gerð, þegar Bútæknideild telur ástæðu til.